

ქალაქ ქუთაისის მუნიციპალიტეტის საკრებულოს

ფრაქცია „ქართული ოცნების“ სხდომის

ოქმი N 22

21 ნოემბერი, 2023 წელი, 15:00 საათი

**სხდომის ჩატარების ადგილი:**

ქალაქი ქუთასისი, რუსთაველის გამზირი N3,  
ადგილობრივი თვითმმართველობის შენობის მე-2  
სართულზე არსებული საკონფერენციო დარბაზი

ფრაქციის სხდომას ხელმძღვანელობდა საკრებულოს ფრაქცია „ქართული ოცნების“  
თავმჯდომარე, ქალბატონი **მარები ნიუარაძე**.

**სხდომას ესწრებოდნენ:** ფრაქციის წევრები: ნიუარაძე მარები, შენგელია ირაკლი,  
ბასილაძე გია, მხეიძე დიმიტრი, ჩიხლაძე მანანა, კოსტავა მაგდა, ლილუაშვილი პაატა,  
მახარაძე ბაქარი, მამასახლისი ზაქრო, რიჟამაძე მამუკა, კოპალეიშვილი ამირანი,  
ნადირაძე თემური, ბიბილეიშვილი ჯემალი, ხამაშურიძე ბესიკი.

**სულ ესწრებოდა:** 14 წევრი.

**არ ესწრებოდნენ:** სიმონიძე მაია, ჯუღელი თეა, გიორგაძე მიხეილი.

**სულ:** 3 წევრი.

**სხდომაში მონაწილეობდნენ :** ქალაქ ქუთაისის მუნიციპალიტეტის მერი ბატონი **იოსებ ხახალეიშვილი**, ქალაქ ქუთაისის მუნიციპალიტეტის მერის მოადგილეები, ბატონები:  
**უგულავა იუზა, ერემეიშვილი დავითი და ქალბატონი თამარ დახუნდარიძე;** საფინანსო პოლიტიკისა და სახელმწიფო შესყიდვების სამსახურის ხელმძღვანელი **ნიშნიანიძე დავითი**; სოციალური სამსახურის ხელმძღვანელის მ/შ **ხაჭაპურიძე ფიქრია**; მუნიციპალური საბინაო ინფრასტრუქტურის განვითარების სამსახურის ხელმძღვანელი **ჩიხლაძე ანტონი**; ეკონომიკის განვითარების, ადგილობრივი თვითმმართველობის ქონებისა და ტრანსპორტის მართვის სამსახურის ხელმძღვანელი **ბერიშვილი თინათინი**; ა(ა) იპ „ქალაქ ქუთაისის ბაგა-ბაღების გაერთიანების“ სამსახურის ხელმძღვანელი **წიტაიშვილი დავითი**; ა(ა)იპ „ქალაქ ქუთაისის სპორტულ დაწესებულებათა გაერთიანების“ ხელმძღვანელის მ/შ **მამუკა მღვდელაძე**; ა(ა)იპ „ქალაქ ქუთაისის სპეციალური სერვისების“ ხელმძღვანელის მოადგილე **კახა ბოჭორიშვილი**; ა(ა)იპ „ქალაქ ქუთაისის კულტურულ, სახელოვნებო საგანმანათლებლო დაწესებულებათა გაერთიანების“ ხელმძღვანელის მ/შ **ბაია კოღუშვილი**. შპ ს „ქალაქ

ქუთაისის ილია ჭავჭავაძის სახელობის საჯარო ბიბლიოთეკის” ხელმძღვანელი გია ქობალიანი.

სხდომა გახსნა ქალაქ ქუთაისის მუნიციპალიტეტის საკრებულოს ფრაქცია „ქართული ოცნების“ თავმჯდომარემ, ქალბატონმა მარეხი ნიუარაძემ.

**მოისმინეს:**

ქალაქ ქუთაისის მუნიციპალიტეტი საკრებულოს

ფრაქცია „ქართული ოცნების“

N22 სხდომის დღის

წესრიგის პროექტის შესახებ

ქალაქ ქუთაისის მუნიციპალიტეტის საკრებულოს ფრაქცია „ქართული ოცნების“ თავმჯდომარემ, ქალბატონმა მარეხი ნიუარაძემ წარმოადგინა ქალაქ ქუთაისის მუნიციპალიტეტის ფრაქცია „ქართული ოცნების“ N 22 სხდომის დღის წესრიგის შემდეგი პროექტი:

ქალაქ ქუთაისის მუნიციპალიტეტის 2024 წლის ბიუჯეტის პროექტის განხილვის თაობაზე

ქალბატონი მარეხი ნიუარაძე

ქალაქ ქუთაისის მუნიციპალიტეტის საკრებულოს  
ფრაქცია „ქართული ოცნების “თავმჯდომარე

ბატონი იუზა უგულავა

ქალაქ ქუთაისის მუნიციპალიტეტის მერის მოადგილე

ქალაქ ქუთაისის მუნიციპალიტეტის საკრებულოს ფრაქცია „ქართული ოცნების“ თავმჯდომარემ, ქალბატონმა მარეხი ნიუარაძემ ფრაქციის N 22 სხდომის დღის წესრიგის პროექტან დაკავშირებით გამოაცხადა ღია კენჭისყრა.

ღია კენჭის ყრით ერთხმად, დაადგინეს:

დამტკიცდეს კომისიის სხდომის დღის წესრიგი წარმოდგენილი რედაქციით.

**მოისმინეს:**

დღის წესრიგი საკითხი- „ქალაქ ქუთაისის  
მუნიციპალიტეტის 2024 წლის ბიუჯეტის  
პროექტის განხილვის შესახებ“

ზემოაღნიშნულ საკითხთან დაკავშირებით ქუთაისის მუნიციპალიტეტის მერის მოადგილემ ბატონმა **იუზა უგულავაძე** დეტალურად განიხილა ის პროექტები და პროგრამები, რომელიც მომდევნო წლის ბიუჯეტში არის გათვალისწინებული.

ქალაქ ქუთაისის მუნიციპალიტეტის მერის მოადგილე, ბატონი **იუზა უგულავა** : „საქართველოს ადგილობრივი თვითმმართველობის კოდექსის და საქართველოს საბიუჯეტო კოდექსის თანახმად წარმოგიდგენთ ქალაქ ქუთაისის მუნიციპალიტეტის თვითმმართველობის ბიუჯეტის პროექტს.

ქალაქ ქუთაისის მუნიციპალიტეტის ბიუჯეტის მაჩვენებლები დამოკიდებულია საქართველოში არსებულ მაკროეკონომიკურ მაჩვენებლებზე და საქართველოს კანონმდებლობით დადგენილ მაკროეკონომიკური პარამეტრების ზღვრების დასაცავად განსახორციელებელ ღონისძიებებსა და შეზღუდვებზე.

საქართველოს ცენტრალური ხელისუფლების მიერ 2024-2027 წლების ძირითადი ეკონომიკური და ფინანსური ინდიკატორების საბაზო სცენარის (2024 წლის სახელმწიფო ბიუჯეტის შესახებ კანონპროექტის თანდართული მასალები) მიხედვით 2024 წლისთვის ნომინალური მშპ-ს ზრდის ტემპი განსაზღვრულია 5 პროცენტით. აღნიშნულიდან გამომდინარე მუნიციპალიტეტის 2024 წლის ბიუჯეტის დამტკიცების შესახებ დადგენილების პროექტში ხარჯების ეკონომიკური კლასიფიკაციის მუხლით განსაზღვრული ასიგნებების ზრდა შეესაბამება საქართველოს ადგილობრივი თვითმმართველობის კოდექსის 155<sup>1</sup> მუხლის 2-ე პუნქტის მოთხოვნებს.

საგადასახადო შემოსავლების საპროგნოზო მაჩვენებლები შეესაბამება საქართველოს საბიუჯეტო კოდექსის 77-ე მუხლის 6-ე და 6<sup>1</sup>-ე პუნქტების გათვალისწინებით საქართველოს ფინანსთა სამინისტროდან მიღებულ საგადასახადო შემოსავლების საპროგნოზო მაჩვენებლებს.

2024 წლის პროგნოზით მუნიციპალიტეტის ბიუჯეტის საგადასახადო შემოსავლები ნომინალურ გამოხატულებაში 72310,8 ათას ლარს შეადგენს. 2023 წლის გეგმიურ მაჩვენებელთან შედარებით 2024 წლის საგადასახადო შემოსავლების პროგნოზი იზრდება 5770,0 ათასი ლარით.

**2024 წელს საგადასახადო შემოსავლების პროგნოზი გადასახადების სახეების მიხედვით შემდეგია:** **დამატებული ღირებულების** გადასახადის საპროგნოზო მაჩვენებელი განისაზღვრა 60310,8 ათასი ლარით; **ქონების** გადასახადის საპროგნოზო მაჩვენებელი შეადგენს 12000,0 ათას ლარს.

**2024 წელს არასაგადასახადო შემოსავლების პროგნოზი გადასახადების სახეების მიხედვით შემდეგია:** **გრანტების** სახით დაგეგმილი მაჩვენებელი შეადგენს 312,4 ათას ლარს რაც წარმოადგენს მიზნობრივ ტრანსფერს.

**შემოსავლები საკუთრებიდან განსაზღვრულია 1320,0 ათასი ლარის ოდენობით, მათ შორის: პროცენტები 800,0 ათასი ლარი; დივიდენდი 50,0 ათასი ლარი; რენტა 470,0 ათასი ლარი.**

**შემოსავლები საქონელისა და მომსახურების რეალიზაციიდან განსაზღვრულია 6450,0 ათასი ლარის ოდენობით, მათ შორის: სანებართვო მოსაკრებლები 1500,0 ათასი ლარი; სათამაშო ბიზნესის მოსაკრებელი 1100,0 ათასი ლარი; მოსაკრებელი დასახლებული ტერიტორიის დასუფთავებისათვის 3500,0 ათასი ლარი; არასაბაზრო წესით გაყიდული საქონელი და მომსახურება 350,0 ათასი ლარი.**

**შემოსავლები სანქციები, ჯარიმები და საურავებიდან განსაზღვრულია 5567,6 ათასი ლარის ოდენობით, მათ შორის: შემოსავალი სანქციებიდან (ჯარიმები და საურავები) ადმინისტრაციული სამართალდარღვევების გამო 5200,0 ათასი ლარი; შემოსავალი სანქციებიდან (ჯარიმები და საურავები) არქიტექტურულ-სამშენებლო საქმიანობაში გამოვლენილი დარღვევის გამო 307,6 ათასი ლარი; შემოსავალი სხვა არაკლასიფიცირებული სანქციებიდან (ჯარიმები და საურავები) 60,0 ათასი ლარი.**

**ტრანსფერები რომელიც სხვაგან არ არის კლასიფიცირებული განსაზღვრულია 1250,0 ათასი ლარის ოდენობით, მათ შორის: მიმდინარე ტრანსფერები, რომელიც სხვაგან არ არის კლასიფიცირებული 850,0 ათასი ლარი; შემოსავალი ავტოსატრანსპორტო საშუალებების პარკირების რეგულირების უფლების გადაცემიდან 150,0 ათასი ლარი; შემოსულობა ადგილობრივი საქალაქო რეგულარული სამგზავრო გადაყვანის ნებართვაზე - 250,0 ათასი ლარი.**

**არაფინანსური აქტივების კლების (პრივატიზაცია) სახით მისაღები თანხების გეგმა შეადგენს 13000,0 ათას ლარს.**

**ვალდებულებების ცვლილება შეადგენს (-3929,7) ათას ლარს.**

**მუნიციპალიტეტის ბიუჯეტის გადასახდელების მოცულობა შეადგენს 100210,8 ათას ლარს.**

**პრიორიტეტების მიხედვით გათვალისწინებულია: ინფრასტრუქტურის განვითარება - 15610,5 ათასი ლარი; მათ შორის:**

**საგზაო ინფრასტრუქტურის განვითარება - 2280,5 ათასი ლარი;**

**გარე განათება - 4000,0 ათასი ლარი;**

**მშენებლობა, ავარიული ობიექტებისა და შენობების რეაბილიტაცია - 650,0 ათასი ლარი.**

**ქვეპროგრამის ფარგლებში განხორციელდება სოციალურად დაუცველი ოჯახებისთვის საცხოვრებელი სახლების ავარიული სახურავების რეაბილიტაცია.**

**ბინათმესაკუთრეთა ამხანაგობების განვითარება - 1000,0 ათასი ლარი, პროგრამის ფარგლებში უზრუნველყოფილი იქნება მუნიციპალიტეტის თანამონაწილეობით**

ბინათმესაკუთრეთა ამხანაგობების საკუთარი და საერთო საკუთრების მოვლა-პატრონობა. თანადაფინანსების პრინციპით განხორციელებული პროექტებითა და ღონისძიებებით მუნიციპალიტეტი აქტიურად ეხმარება მოსახლეობას მნიშვნელოვნად გააუმჯობესოს საცხოვრებელი გარემო და ქმნის ხელსაყრელ პირობებს სამოქალაქო საზოგადოების განვითარებისათვის.

**კეთილმოწყობის ღონისძიებები - 2320,0 ათასი ლარი.** პროგრამის მიზანია ქალაქში მნიშვნელოვანი და აუცილებელი კეთილმოწყობის ღონისძიებების სრულყოფილად და ეფექტურად განხორციელება; ქალაქის მიმზიდველობის გაზრდისათვის ტურისტული ინფრასტრუქტურის გაუმჯობესება; სხვადასხვა ქალაქების გარემონტის მოწყობა კონკრეტული ღონისძიების სპეციფიკისა და მისი ჩატარების ადგილმდებარეობის გათვალისწინებით; ადმინისტრაციული ერთეულების მიხედვით ისეთი სხვადასხვა სახის ლოგალური პრობლემების აღმოფხვრა, რომლებიც წლების განმავლობაში მოუგვარებელია და ასახვა ვერ ჰქონდა ბიუჯეტში.

**მუნიციპალური სატრანსპორტო სისტემის ფუნქციონირების ხელშეწყობა - 4660,0 ათასი ლარი,** ქალაქ ქუთაისის მუნიციპალიტეტის ადმინისტრაციულ საზღვრებში, მუნიციპალური სატრანსპორტო სისტემის შექმნა, რომელმაც ხელი უნდა შეუწყოს მოსახლეობის, მ.შ. საბავშვი ეტლით მოსარგებლე პირების, შშმ პირების სწრაფ, უსაფრთხო და კომფორტულ გადაადგილებას.

**საპროექტო-სახარჯთაღრიცხვო სამუშაოების ხარჯები** განისაზღვრა 300,0 ათასი ლარით.

**საპროექტო-სახარჯთაღრიცხვო დოკუმენტაციისა და სამშენებლო სამუშაოების ტექნიკური ზედამხედველობისა და ექსპერტიზის ხარჯები** განსაზღვრულია 400,0 ათასი ლარით.

პროგრამის ფარგლებში განხორციელდება მუნიციპალიტეტის მიერ განსახორციელებელი ინფრასტრუქტურული სამუშაოებისათვის საჭირო საპროექტო დოკუმენტაციის დამზადების ხარჯებისა და ექსპერტიზის ხარჯების ანაზღაურება. ასევე, მოხდება სამშენებლო სამუშაოების ტექნიკური ზედამხედველობისათვის საჭირო ხარჯების ანაზღაურება.

**დასუფთავება და გარემოს დაცვა განისაზღვრა - 8815,0 ათასი ლარი;** მათ შორის: ქალაქის დასუფთავება და ნარჩენების გატანა - 7815,0,0 ათასი ლარი.

პროგრამის ფარგლებში განხორციელდება მუნიციპალიტეტის დაგვა-დასუფთავება და ნარჩენების გატანა, საყოფაცხოვრებო ნარჩენების შეგროვება და გატანა, ქუჩების მორწყვა-მორეცხვა, დეზინფექცია და დერატიზაცია, უპატრონო ცხოველების სპეციალურ თავშესაფარში გადაყვანა და მოვლა.

**ქალაქის გამწვანების მოვლა-პატრონობისა და სკვერების კეთილმოწყობის ღონისძიებები - 1000,0 ათასი ლარი.**

მოსახლეობისთვის ჯანსაღი და კომფორტული გარემოს შესაქმნელად აუცილებელია მუნიციპალიტეტის გამწვანება და ეკოსისტემის გაუმჯობესება.

**განათლება - 20613,0 ათასი ლარი, მათ შორის: სკოლამდელი დაწესებულების ფუნქციონირება - 20263,0 ათასი ლარი და განათლების ღონისძიებები - 350,0 ათასი ლარი**

პროგრამა გულისხმობს ქალაქ ქუთაისში საგანმანათლებლო პროცესის მონაწილეთა მოტივაციის ამაღლებას, საგანმანათლებლო დაწესებულებებთან კოორდინირებულ თანამშრომლობას, მოზარდთა შემეცნებით-საგანმანათლებლო დონის ამაღლებას, არაფორმალური განათლების პოპულარიზაციას, ქუთაისის განათლების სფეროს წარმომადგენელთა წახალისებასა და მოსწავლეთა საერთაშორისო პროექტებში მონაწილეობის ხელშეწყობას.

**კულტურა, ახალგაზრდობა და სპორტი - 23366,5 ათასი ლარი მათ შორის: სპორტის სფეროს განვითარება - 11278,0 ათასი ლარი.**

სპორტსმენებისათვის ხელშეწყობისა და შესაბამისი პირობების შექმნის მიზნით განხორციელდება სპორტის სხვადასხვა სახეობების ხელშეწყობა, მატერიალურ-ტექნიკური ბაზის განვითარება, სპორტული ინვენტარის შეძენა და თანამედროვე სტანდარტებთან მიახლობა, შეკრებებისა და მივლინებების განხორციელება, პერსპექტიული სპორტსმენების მომზადების წლიური საწვრთნელი პროცესის ორგანიზება და ნაკრები გუნდებისათვის მომზადება, სხვადასხვა შეჯიბრებებისა და სახელობითი ტურნირების ჩატარება. ასევე, წარმატებული ქუთაისელი სპორტსმენების წახალისება.

**კულტურის სფეროს განვითარება - 11688,5 ათასი ლარი.**

მუნიციპალიტეტის კულტურული ცხოვრებისათვის აუცილებელია წლის მანძილზე ჩატარდეს სხვადასხვა ხასიათის კულტურული ღონისძიებები, ფესტივალები და საერთაშორისო კულტურული აქტივობები. ასევე, მოხდეს ი. ჭავჭავაძის სახელობის სამეცნიერო ბიბლიოთეკის, ფოლკლორის სახელმწიფო ანსამბლისა და კულტურის ღონისძიებების ხელშეწყობა.

**ახალგაზრდობის მხარდაჭერა - 400.0 ათასი ლარი.**

ახალგაზრდული მიმართულებით განხორციელებული ღონისძიებები ხელს შეუწყობს ახალგაზრდების გააქტიურებასა და საზოგადოებრივ ცხოვრებაში ჩართულობას, ახალგაზრდული ფესტივალის ორგანიზებითა და ინიციატივების მხარდაჭერის გზით. ქვეპროგრამის ფარგლებში მოხდება შშმ პირების საზოგადოებაში ინტეგრირება.

**ჯანმრთელობის დაცვა და სოციალური უზრუნველყოფა - 8522,6 ათასი ლარი, მათ  
შორის: ჯანმრთელობის დაცვა - 2299,2 ათასი ლარი.**

მუნიციპალიტეტში მცხოვრები მოსახლეობის ჯანმრთელობის დაცვის უზრუნველყოფა. სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში, კანონმდებლობით გათვალისწინებული საზოგადოებრივი ჯანდაცვის მომსახურების ხარჯების ანაზღაურება, მძიმე დაავადების მქონე პირების მედიკამენტებითა და სამედიცინო დანიშნულების საგნებით დახმარება, დაავადებული გადახდისუუნარო პირებისათვის სამედიცინო მომსახურების ხარჯების ანაზღაურება, ზოგადსაგანმანათლებლო დაწესებულებებში მოსწავლეების პროფილაქტიკური გამოკვლევა, მათში ყველაზე გავრცელებული დაავადებების დროულად გამოსავლენად, ეპილეფსიით დაავადებულ პირთა ანტიკონვულსანტებით უზრუნველყოფა.

#### **სოციალური უზრუნველყოფა - 6173,4 ათასი ლარი;**

პროგრამის მიზანია ქალაქის ტერიტორიაზე მცხოვრები მოსახლეობის სხვადასხვა ფენების სოციალური დახმარებებით უზრუნველყოფა. სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში კანონმდებლობით გათვალისწინებული სარიტუალო მომსახურების ხარჯების ანაზღაურება, დემოგრაფიული მდგომარეობის გაუმჯობესების მიზნით, მრავალშვილიანი ოჯახების დახმარება, აუტიზმის სპექტრის დარღვევის მქონე ბავშვთა რეაბილიტაცია, ავთვისებიანი სიმსივნით დაავადებული 0-18 წლამდე ასაკის პირთა თანადგომა, შეზღუდული შესაძლებლობების მქონე პირთა დახმარება, სოციალურად დაუცველი ოჯახების ყოფითი პირობების გაუმჯობესების ხელშეწყობა, შშმ პირთა მხარდაჭერაზე ორიენტირებული პროექტების დაფინანსება/ თანადაფინანსება და სხვა სოციალური ღონისძიებები, რომლებიც მთლიანობაში უზრუნველყოფს ქალაქის მოსახლეობის სოციალური მდგომარეობის გაუმჯობესების უზრუნველყოფას.

#### **ეკონომიკის განვითარების ხელშეწყობა- 1735,0 ათასი ლარი.**

ეკონომიკური განვითარების ხელშეწყობისათვის 2024 წელს განსახორციელებელი პროექტები მიზნად ისახავს სტრატეგიული დოკუმენტების შესრულების ხელშეწყობას, ადგილობრივი ბიზნესის სტიმულირებას და პოპულარიზაციას, უცხოური და ადგილობრივი ინვესტორების დაინტერესებას ქალაქის მიმართ; ქუთაისის, რეგიონის ტურისტულ ჰაბად ჩამოყალიბების ხელშეწყობას, გენერალური განვითარების გეგმის ცალკეული კომპონენტების მომზადებას, მუნიციპალური ქონების ეფექტური მართვის უზრუნველყოფას.

#### **მართველობა და საერთო დანიშნულების ხარჯები - 21548,2 ათასი ლარი.**

მუნიციპალიტეტის ბიუჯეტის ხარჯებისა და არაფინანსური აქტივების ზრდა ფუნქციონალურ ჭრილში: საერთო დანიშნულების სახელმწიფო მომსახურება - 17418,5 ათასი

ლარი; ეკონომიკური საქმიანობა - 4015,5 ათასი ლარი; გარემოს დაცვა - 8815,0 ათასი ლარი; საბინაო-კომუნალური მეურნეობა - 13330,0 ათასი ლარი; ჯანმრთელობის დაცვა - 2299,2 ათასი ლარი; დასვენება, კულტურა და რელიგია - 23566,5 ათასი ლარი; განათლება - 20613,0 ათასი ლარი; სოციალური დაცვა - 6223,4 ათასი ლარი. “

### **დაისვა შეკითხვები, გაკეთდა განმარტებები:**

ქალაქ ქუთაისის მუნიციპალიტეტის საკრებულოს ფრაქცია „ქართული ოცნების“ თავმჯდომარე, ქალბატონი **მარები ნიუარაძე:** „ქუთაისის მუნიციპალიტეტის 2024 წლის ბიუჯეტის პროექტის ფორმირების პროცესში გასათვალისწინებლად, ფრაქციას შემუშავებული ჰქონდა და წერილობითი სახითაც მიაწოდა აღმასრულებელ ხელისუფლებას, ფრაქციის ერთიანი პოზიციის სახით. როგორიცაა: მრავალშვილიან დედებისათვის ელექტრო ენერგიის საშეღათო თანხის ლიმიტის გაზრდის შესახებ; არსებული საბავშვო ატრაქციონების რეაბილიტაციის მიზნით ხარჯების გაზრდის შესახებ; ქალაქში არსებული ბუნებრივი სასულეების მოწესრიგებისა და რეაბილიტაციისათვის ხარჯების გაზრდის შესახებ; M2 პატეგორიის ტრანსპორტის შემენისა და ახალი სვლა-გეზების დამატების მიზნით ხარჯების გათვალისწინების შესახებ; სანიაღვრე სისტემის მოწესრიგებისათვის თანხის გათვალისწინების შესახებ; სპეცტექნიკის შესაძენად თანხის გათვალისწინების შესახებ. თუ შესაძლებელია მოკლედ, რომ მოგვახსენოთ აღნიშნული რეკომენდაციებიდან, რომელი იქნა ასახული ბიუჯეტის პროექტში.“

საკრებულოს ფრაქციის წევრი, ბატონი **ირაკლი შენგელია:** „როგორც ჩემთვის ცნობილია, სადარბაზოების რეაბილიტაციის თანხა არ იყო ასახული წარმოდგენილ ბიუჯეტის პროექტში. ამ კუთხით თუ შეიცვალა რაიმე?“

„ქუთაისის მერის მოადგილე, ბატონი **იუზა უგულავა:**“მართალია სადარბაზოების რეაბილიტაციის თანხები არ იყო ასახული ისევე, როგორც სანიაღვრე ინფრასტრუქტურის, სასულეების მოვლა-პატრონობის თანხა ამ ეტაპზე შეადგენს 46 000 ლარს, რაც საკმარისი არ არის, ველოდებით დაფინანსებას“.

ფრაქციის წევრი, ბატონი **ირაკლი შენგელია:** „მივესალმები ამ გადაწყვეტილებას, ფრაქციის ერთერთი ინიციატივაც სწორედ ეს გახლდათ, ვინაიდან ძალიან დიდი მოთხოვნილებაა აღნიშნულ მომსახურეობაზე მოსახლეობის მხრიდან.“

ფრაქციის წევრი, ბატონი **გია ბასილაძე:** „საბინაო ინფრასტრუქტურაშიც ველოდებით ცვლილებებს, როგორც ვიცი“

მერის მოადგილე, ბატონი **იუზა უგულავა:** „რაც შეეხება საბინაო ინფრასტრუქტურას, მთავრობიდან ველოდებით დაფინანსებას დეკემბრის თვეში „

ფრაქციის წევრი, ბატონი **ბაქარ მახარაძე:** „ფრაქციის ერთეულთი ინიციატივა იყო სპეცტექნიკის შემენისათვის თანხების მობილიზება რა ღონისძიებები ჩატარდა ამ მხრივ?“


მერის მოადგილე, ბატონი **იუზა უგულავა:** „იანვარში ნაწილს გავზრდით საკუთარი შემოსავლების ზრდის ხარჯზე. განსაზღვრულია 11 ერთეული სპეცტექნიკის შემენარომლის ღირებულება შეადგენს 4მლნ.ლარს“.

#### **ღია კენჭისყრით, ერთხმად და ადგინეს:**

ქალაქ ქუთაისის მუნიციპალიტეტის 2024 წლის ბიუჯეტის პროექტი შემოვიდეს რეკომენდაციების გათვალისწინებით საკრებულოს სხდომაზე.

ამით, ქალაქ ქუთაისის მუნიციპალიტეტის საკრებულოს ფრაქცია „ქართული ოცნების“ ოცდამეორე სხდომამ მუშაობა დაასრულა და ფრაქციის თავმჯდომარემ სხდომა დახურულად გამოაცხადა.

ქალაქ ქუთაისის მუნიციპალიტეტის საკრებულოს  
ფრაქცია „ქართული ოცნების“ თავმჯდომარე



მ. ნიშარაძე